

ЎЗБЕКИСТОН РЕСПУБЛИКАСИ
ВАЗИРЛАР МАҲКАМАСИНинг
ҚАРОРИ



ПОСТАНОВЛЕНИЕ
КАБИНЕТА МИНИСТРОВ
РЕСПУБЛИКИ УЗБЕКИСТАН

14 декабрь 2017 й.г.

№ 984

Тошкент ш. – г. Ташкент

**Янги узилган, қурилган ва қайта ишланган мева-сабзавот
маҳсулотларини экспорт қилиш тартиби тўғрисидаги
низомни тасдиқлаш ҳақида**

Ўзбекистон Республикаси Президентининг “Махаллий экспорт қилувчи ташкилотларни янада қўллаб-қувватлаш ва ташқи иқтисодий фаолиятни такомиллаштириш чора-тадбирлари тўғрисида” 2017 йил 21 июндаги ПҚ-3077-сон, “Ташқи савдо фаолиятини янада эркинлаштириш ва тадбиркорлик субъектларини қўллаб-қувватлаш чора-тадбирлари тўғрисида” 2017 йил 3 ноябрдаги ПҚ-3051-сон ва “Мева-сабзавот маҳсулотлари, узум, полиз, дуккакли экинлар, шунингдек, қурилган сабзавот ва меваларни маҳаллий экспорт қилувчиларни қўллаб-қувватлаш бўйича қўшимча чора-тадбирлар тўғрисида” 2017 йил 6 ноябрядаги ПҚ-3377-сон қарорларини бажариш юзасидан Вазирлар Маҳкамаси қарор қиласиди:

1. Янги узилган, қурилган ва қайта ишланган мева-сабзавот маҳсулотларини экспорт қилиш тартиби тўғрисидаги низом 1-иловага мувофиқ тасдиқлансин.
2. Ўзбекистон Республикаси Хукуматининг 2-иловага мувофиқ айrim қарорларига ўзгартириш ва қўшимчалар киритилсин.
3. Ўзбекистон Республикаси Хукуматининг 3-иловага мувофиқ айrim қарорлари ўз кучини йўқотган деб хисоблансин.
4. Вазирликлар ва идоралар ўзлари қабул қилган норматив-хукукий хужжатларни бир ой муддатда ушбу қарорга мувофиқлаштирунлар.
5. Мазкур қарорнинг бажарилишини назорат қилиш Ўзбекистон Республикаси Бош вазирининг ўринbosари – “Ўзагротехсаноатхолдинг” АЖ бошқаруви раиси Н.С.Отажонов зиммасига юклансин.

Ўзбекистон Республикасининг
Бош вазири



А.Арипов

Вазирлар Маҳкамасининг
2017 йил 14 декабрдаги
984-сон қарорига
1-илова

**Янги узилган, қуристилган ва қайта ишланган мева-сабзавот
маҳсулотларини экспорт қилиш тартиби тўғрисида
НИЗОМ**

1-боб. Умумий қоидалар

1. Ушбу қарор Ўзбекистон Республикаси Президентининг “Мева-сабзавот, узум ва полиз маҳсулотларини экспорт қилишни рағбатлантиришга доир қўшимча чора-тадбирлар тўғрисида” 2016 йил 19 сентябрдаги ПҚ-2603-сон, “Маҳаллий экспорт қилувчи ташкилотларни янада қўллаб-қувватлаш ва ташки иқтисодий фаолиятни такомиллаштириш чора-тадбирлари тўғрисида” 2017 йил 21 июндаги ПҚ-3077-сон ва “Мева-сабзавот маҳсулотлари, узум, полиз, дуккакли экинлар, шунингдек, қуристилган сабзавот ва меваларни маҳаллий экспорт қилувчиларни қўллаб-қувватлаш бўйича қўшимча чора-тадбирлар тўғрисида” 2017 йил 6 ноябрдаги ПҚ-3377-сон қарорларига мувофиқ янги, қуристилган ҳамда қайта ишланган мева-сабзавот маҳсулотларини экспорт қилиш тартибини белгилайди.

2. Ушбу Низомда кўйидаги асосий тушунчалардан файланилади:

мева-сабзавот маҳсулотлари – сабзавотлар, мевалар, дуккакли, узум ва полиз экинлари, қуристилган сабзавот ва мевалар (ТИФ ТН бўйича товар коди 07,08,1202);

янги узилган мева-сабзавот маҳсулотлари - ушбу Низомга 1-иловага* мувофиқ рўйхат бўйича сабзавотлар, мевалар, дуккакли, узум ва полиз экинлари, қуристилган сабзавот ва мевалар;

куристилган ва қайта ишланган мева-сабзавот маҳсулотлари – ушбу Низомга 1-иловага мувофиқ янги узилган мева-сабзавот маҳсулотлари рўйхатига киритилмаган сабзавотлар, мевалар, дуккакли, узум ва полиз экинлари;

экспорт қилувчилар – Ўзбекистон Республикаси норезидентлари билан экспорт контрактлари (шартномалари) тузган ёки экспорт контракти (шартномаси) тузмасдан инвойс асосида экспорт қилувчи тадбиркорлик субъектлари – Ўзбекистон Республикаси резидентлари;

инвойс – мева-сабзавот маҳсулотларини экспорт қилиш учун счёт-фактура;

экспорт контракти – экспорт қилувчи ва Ўзбекистон Республикаси норезиденти ўртасида мева-сабзавот маҳсулотларини экспорт қилиш учун тузилган хўжалик шартномаси.

2-боб. Мева-сабзавот маҳсулотларини экспорт қилиш

3. Янги узилган мева-сабзавот маҳсулотлари жўнатиладиган маҳсулот қийматининг олдиндан хорижий валютадаги 100 фоиз тўлови экспорт қилувчилар томонидан олинганда тўғридан-тўғри шартномалар бўйича экспорт қилинади.

Бунда “Ўзагроэкспорт” АЖга янги узилган мева-сабзавот маҳсулотларини қуидаги шартларда экспорт қилишга рухсат этилади:

жўнатиладиган мева-сабзавот маҳсулотлари қийматининг олдиндан камида 30 фоизи тўланганда, қолган қисми учун эса тасдиқланган банк аккредитиви очилади ёки биринчи тоифали хорижий банк кафолати расмийлаштирилади;

“Ўзагроэкспорт” АЖнинг хорижда очилган савдо уйлари, шунингдек, ишончли ва узоқ муддатли шериклар ҳисобланган етакчи хорижий импорт қилувчи ташкилотларга Ўзбекистон Республикаси Вазирлар Маҳкамаси қарори билан тасдиқланадиган рўйхат бўйича олдиндан тўловсиз, тасдиқланган банк аккредитивини очмасдан ёки биринчи тоифали хорижий банк кафолатини расмийлаштирмасдан.

Экспорт қилувчилар ташки бозорларга янги узилган мева-сабзавот маҳсулотларини “Ўзагроэкспорт” АЖ билан тузиладиган воситачилик шартномаси асосида ушбу банднинг учинчи ва тўртинчи хатбошиларида қайд этилган шартлар бўйича етказиб бериши мумкин.

4. Куритилган ва қайта ишланган мева-сабзавот маҳсулотлари экспорт қилувчилар, шу жумладан “Ўзагроэкспорт” АЖ томонидан олдиндан тўловсиз, тасдиқланган банк аккредитивини очмасдан, банк кафолатини расмийлаштирмасдан ва экспорт контрактларини сиёсий ҳамда тижорат таваккалчиликларидан суғурталаш полисисиз хорижий валютада экспорт қилиниши мумкин.

5. Экспорт қилувчининг илгари экспортга етказиб бериш бўйича муддати ўтган дебиторлик қарзи бўлса, товарларни факат муддати ўтган дебиторлик қарзи мавжуд бўлган хорижий харидор учун олиб чиқишига рухсат этилмайди.

Ташки савдо операциялари бўйича муддати ўтган дебиторлик қарздорлик пайдо бўлиши учун бевосита тадбиркорлик субъектлари жавобгар бўлади.

6. Экспорт қилувчилар экспорт контракти (шартномаси) тузмасдан қуидаги шартларга риоя қилган ҳолда инвойс асосида мева-сабзавот маҳсулотларини экспорт қилиш ҳуқуқига эга:

етказиб бериш суммаси экспорт божхона юк декларациясини расмийлаштириш кунида Ўзбекистон Республикаси Марказий банки курси бўйича 20 минг АҚШ доллари эквивалентидан ошмаганда;

Ўзбекистон Республикасининг ваколатли тижорат банкларидағи ҳисобваракларга Ўзбекистон Республикаси норезидентларидан хорижий валютада, шу жумладан банк ўтказмалари, халқаро банк карталари орқали тўловлар, шунингдек, тижорат банкларининг айирбошлиш шохобчаларida сотиб олинган миллий валютадаги нақд пул маблағларини киритиш шаклида 100 фоиз олдиндан тўлов олинганда.

7. Юридик шахслар томонидан мева-сабзавот маҳсулотларини кейинчалик экспорт қилиш учун жисмоний шахслардан сотиб олинганда, жисмоний шахслардан олинадиган даромад солиғи бўйича имтиёзлар жисмоний шахслар томонидан сотилган маҳсулотлар уларга ёки уларнинг оила аъзоларига ажратилган ер участкаларида етиштирилганини тасдиқловчи хужжатни тақдим этилмасдан қўлланилади.

8. Экспорт контрактлари бўйича экспорт қилинган мева-сабзавот маҳсулотларини белгиланган жойгача транспортда ташиш пайтида ушбу Низомга 2-иловага мувофиқ фактура қийматига тузатишлар киритиш учун кўлланиладиган Экспорт қилинган янги узилган мева-сабзавот маҳсулотлари, узум ва полиз экинларининг табиий йўқотишлари нормативлари доирасида табиий йўқотишлар бўлган ҳолларда, экспорт қилувчи бу ҳақда Ташқи савдо операцияларининг ягона электрон ахборот тизимида (ТСОЯЭА) ахборот киритади.

Экспорт қилинган мева-сабзавот маҳсулотларининг табиий йўқотишлари мавжуд бўлганда, йўқотиш суммаси дебиторлик қарздорлик сифатида хисобга олинмайди, балки экспорт қилувчи балансининг харажат қисмида хисобга олинади. Йўқотиш суммаси олдиндан тўлов сифатида эътироф этилганда, табиий йўқотишлар суммасига teng товарлар экспорт қилувчи томонидан ТСОЯЭАга киритилган маълумотлар асосида юклаб жўнатилади.

Табиий йўқотишлар суммаси етказиб бериладиган маҳсулот учун факат олдиндан тўлов сифатида олинган маблағлардан қайтарилиши мумкин. Табиий йўқотишлар суммаси банк томонидан экспорт қилувчи табиий йўқотишлар суммаси тўғрисида ТСОЯЭАга киритган маълумотлар асосида қайтарилади.

Янги узилган мева-сабзавот маҳсулотлари олдиндан тўлов асосида экспорт қилинганда, етказиб бериш натижасида юзага келган йўқотиш суммаси хорижий шерикка қайтарилиши лозим ёки кейинги етказиб беришлар учун олдиндан тўлов деб хисобланиши мумкин.

Бунда экспорт божхона юк декларациясида қайд этилган янги узилган мева-сабзавот маҳсулотларининг фактура қийматига тузатишлар киритилмайди.

9. Ушбу Низомда назарда тутилмаган талаблар экспорт контрактлари ва уларни бажаришга нисбатан Ўзбекистон Республикаси Вазирлар Маҳкамасининг 2003 йил 30 сентябрдаги 416-сон қарори билан тасдиқланган Ташқи савдо операциялари устидан мониторинг олиб бориш тартиби тўғрисидаги низом ва бошқа қонун хужжатлари талаблари кўлланилади.

3-боб. Мева-сабзавот маҳсулотларини экспорт қилишда нарх белгилаш

10. Экспорт контрактлари Халқаро мева-сабзавот ярмаркасининг, мунтазам фаолият кўрсатадиган мева-сабзавот майдони ярмарка савдолари якунлари бўйича юзага келадиган ўртacha нархлар хисобга олинган ҳолда ҳамда жаҳон бозорларидаги нархлар конъюнктурасидан келиб чиқиб, талаб ва таклифлар асосида шаклланадиган бозор нархлари бўйича тузилади.

11. “Ўзагроэкспорт” АЖ ҳар ҳафта мева-сабзавот маҳсулотлари учун экспорт нархлар даражаси тўғрисидаги ахборотни оммавий ахборот воситалари ва ўзининг расмий веб-сайтида эълон қиласи.

Бунда экспорт контрактлари контракт тузилган кунда “Ўзагроэкспорт” АЖ эълон қиласи нархлардан паст бўлмаган нархлар бўйича тузилади.

12. Экспорт қилинадиган мева-сабзавот маҳсулотлари божхонада қонун хужжатларида белгиланган тартибда экспорт контрактларида қайд этилган нархлардан паст бўлмаган нархларда ва ушбу Низомнинг 3-5-бандлари талабларига мувофиқ расмийлаштирилади.

Экспорт контракти (шартномаси) тузмасдан инвойс асосида ўтказиладиган мева-сабзавот маҳсулотлари божхонада божхона юк декларацияси рўйхатга олинадиган кунда “Ўзагроэкспорт” АЖ расмий веб-сайтида қайд этилган нархлардан паст бўлмаган нархлар бўйича расмийлаштирилади.

Экспорт божхона юк декларациясида товарнинг фактура қиймати валюта инвойсида кўрсатилади. Тижорат банклари томонидан ТСОЯЭАга миллий валютадаги нақд маблағлар тўғрисида маълумотлар киритиган тақдирда, товарларнинг миллий валюта эквивалентидаги умумий фактура қиймати божхона юк декларацияси қабул қилинган кунда Марказий банк курси бўйича ТСОЯЭАда божхона расмийлаштируви учун қайд этилган суммадан ошмаслиги зарур.

4-боб. Мева-сабзавот маҳсулотларини экспорт қилувчиларнинг экспорт контрактларига хизмат кўрсатиш

13. Экспорт контрактларига тижорат банклари қонун хужжатларида белгилangan тартибда хизмат кўрсатади.

Тижорат банки томонидан 1 кун давомида:

экспорт қилувчи зарур хужжатларни қонун хужжатларида белгилangan тартибда тақдим этган пайтдан бошлаб унга хорижий валютада талаб қилиб олинадиган депозит ҳисоб-раками очилади;

тегишли ахборот олинган пайтдан бошлаб ТСОЯЭАга олдиндан тўлов, тасдиқланган аккредитив очилгани ёки биринчи тоифали хорижий банк кафолати тўғрисида ахборот киритилади.

Маблағлар келиб тушганлиги тўғрисидаги маълумотлар тижорат банклари томонидан тўлов валютасида киритилади.

5-боб. Якунловчи қоидалар

14. Янги узилган, қуритилган ва қайта ишланган мева-сабзавот маҳсулотлари тадбиркорлик субъектлари томонидан ушбу Низомга З-иловага мувофиқ схемага биноан экспорт қилинади.

15. Экспорт қилувчилар, тижорат банклари ва давлат божхона хизмати органлари ТСОЯЭАга тегишли ахборотнинг ўз вақтида киритилиши ва ишончлилиги учун жавоб беради.

16. Ушбу Низом қоидалари бузилишида айбдор шахслар қонун хужжатларида белгилangan тартибда жавоб беради.

* Иловалар рус тилидаги матнда берилган.

Вазирлар Маҳкамасининг
2017 йил 14 декабрдаги
984 - сон қарорига
2-илова

Ўзбекистон Республикаси Ҳукуматининг айrim қарорларига киритилаётган ўзгартириш ва қўшимчалар

1. Вазирлар Маҳкамасининг "Биржадан ташқари валюта бозорини янада ривожлантириш ва мустаҳкамлаш чора-тадбирлари тўғрисида" 2000 йил 29 июнданги 245-сон қарорининг 4-банди (Ўзбекистон Республикаси КТ, 2000 й., 6-сон, 33-модда) куйидаги таҳрирда баён қилинсин:

"4. Шундай тартиб ўрнатилсинки, унга мувофиқ:

а) экспорт операциялари бўйича тушум тушиши ёки товарларни қайта олиб кириш муддати:

муассислар – Ўзбекистон Республикаси резидентлари томонидан чет элдаги ташкилотларга (савдо уйлари, савдо ваколатхоналари, шуъба корхоналар, фирма дўконлар, дилерлик шохобчалари ва консигнация омборлари), шунингдек – Ўзбекистон Республикаси Савдо-саноат палатаси аъзолари - хўжалик юритувчи субъектлар томонидан Палатанинг савдо-инвестиция уйлари номига олиб чиқилаётган товарлар амалда экспорт қилинган кундан бошлаб 180 кундан;

қолган экспорт қилувчилар учун товарлар, ишлар ва хизматлар амалда экспорт қилинган кундан бошлаб 120 кундан ошиб кетмаслиги керак;

б) енгиб бўлмайдиган куч (форс-мажор) таъсири юзага келган ҳолатда хорижий валютадаги тушумнинг тушиши муддати ушбу таъсир юз берган давлатнинг ваколатли органи томонидан тасдиқланган, енгиб бўлмайдиган кучнинг амал қилиши даврига узайтирилади;

в) чет элдан хорижий валютадаги тушум тушиши кечиктирилишига йўл қўйган экспорт қилувчилар, шунингдек, "эркин муомала учун чиқариш" режимида товарларни республикага олиб кириш ва расмийлаштиришни, ишларни бажариш ва хизматлар кўрсатишни 30 банк кунидан ортиқ таъминламаган импорт қилувчилар (кичик бизнес ва хусусий тадбиркорлик субъектлари учун – 60 банк куни) белгиланган муддатлар тамом бўлгандан кейин:

белгиланган муддатлардан 180 кунгача кечикканда – тушмаган валюта маблағлари ёки "эркин муомала учун чиқариш" режимида расмийлаштирилмаган товарлар (бажарилмаган ишлар, кўрсатилмаган хизматлар) суммасининг 10 фоизига тенг микдорда;

белгиланган муддатлардан 180 кундан 365 кунгача кечикканда – тушмаган валюта маблағлари суммасининг ёки "эркин муомала учун чиқариш" режимида расмийлаштирилмаган товарлар (бажарилмаган ишлар, кўрсатилмаган хизматлар) суммасининг 20 фоизига тенг микдорда қўшимча;

белгиланган муддатлардан 365 кунлан ортиқ кечикканда – тушмаган валюта маблағлари суммасининг ёки "эркин муомала учун чиқариш" режимида расмийлаштирилмаган товарлар (бажарилмаган ишлар, кўрсатилмаган хизматлар) суммасининг 70 фоизига тенг микдорда республика бюджети даромадига қўшимча жарима тўлайдилар.

Ушбу қарорда белгиланган жарималар қўлланилган тақдирда, ташқи савдо операциялари бўйича муддати ўтказиб юборилган дебитор қарздорлик ундирилиши муддатларидан қатъи назар, айни бир предмет бўйича қарздорлик ва товарлар (ишлар, хизматлар)нинг амалдаги экспорти ҳажми бўйича тадбиркорлик субъектларига тақорий санкциялар қўлланилмайди;

г) ташқи савдо контрактининг суғурта полиси бўйича суғурта қопламаси суммаси (миллий ва (ёки) хорижий валюталарда) тадбиркорлик субъектлари хисоб рақамига тушганда ушбу ташқи савдо контракти бўйича дебитор қарздорлик суммаси молиявий санкцияларни қўллаш мақсадлари учун тушган суғурта қопламаси суммасига камайтирилади".

2. Вазирлар Маҳкамасининг 2003 йил 30 сентябрдаги 416-сон қарори (Ўзбекистон Республикаси КТ, 2003 й., 9-сон, 92-модда) билан тасдиқланган Ташқи савдо операциялари устидан мониторинг олиб бориш тартиби тўғрисидаги Низомда:

а) 2-бандга қуидаги мазмундаги хатбоши қўшилсин:

"инвойс – товарлар (ишлар ва хизматлар) экспортига счёт-фактура;

б) II бобнинг номига "Ташқи савдо контрактларига" сўзларидан кейин "ва инвойс" сўзлари қўшилсин;

в) қуидаги мазмундаги 4¹-банд қўшилсин:

"4¹. Божхона расмийлаштируви мақсадлари учун инвойсларда қуидаги асосий маълумотлар бўлиши керак:

"экспорт қилувчининг (импорт қилувчининг) номи ва унинг реквизитлари;

инвойс суммаси;

экспорт қилувчининг идентификация рақами (СТИР);

товарлар (ишлар, хизматлар) номи;

товарлар (ишлар, хизматлар)нинг ўлчов бирлиги;

товарлар (ишлар, хизматлар) миқдори;

товарлар (ишлар, хизматлар) нархи;

товарлар (ишлар, хизматлар)ни етказиб бериш қиймати;

ИНКОТЕРМС бўйича етказиб бериш шартлари;

ташиш тури.

Инвойслар экспорт қилувчининг (мавжуд бўлганда) имзоси ва муҳри билан тасдиқланиши керак;

г) 8-банднинг учинчи хатбошига қуидаги мазмундаги жумла қўшилсин:

"Бунда маълумтонома фақат Ўзбекистон Республикаси Президентининг "Ташқи савдо фаолиятини янада эркинлаштириш ва тадбиркорлик субъектларини қўллаб-қувватлаш чора-тадбирлари тўғрисида" 2017 йил 3 ноябрдаги ПҚ-3351-сон қарорига иловада қўрсатилган янги узилган мева-сабзавот маҳсулотлари ва хомашё товарларини экспорт қилишда (кейинги ўринларда хомашё товарлари деб аталади) ва инвойс асосида экспорт қилишда расмийлаштирилади";

д) 10-бандга қуидаги мазмундаги хатбоши қўшилсин:

"Бунда экспортга божхона расмийлаштируви, инвойс асосида экспорт қилинадиган хомашё товарлари ва товарлардан ташқари, ТСОЯЭАга ҳисоб-китоблар тўғрисидаги маълумотномаларсиз амалга оширилади";

е) куйидаги мазмундаги 12²-банд қўшилсин:

"Экспорт қилувчилар товарлар (хомашё товарлари бундан мустасно), ишлар ва хизматлар) экспортини тўлиқ тўлов уларнинг Ўзбекистон Республикаси тижорат банкларидағи ҳисоб рақамига тушгандан ва ушбу ахборот ТСОЯЭАга киритилгандан кейин экспорт контрактисиз инвойс асосида амалга ошириш ҳукуқига эга бўладилар.

Бунда янги узилган мева-сабзавот маҳсулотлари, узум, полиз маҳсулотлари, дуккакликлар, шунингдек, қуритилган сабзавотлар ва меваларни экспорт қилиш экспорт божхона деклорацияси расмийлаштирилган кунда Ўзбекистон Республикаси Марказий банкининг курси бўйича 20 минг АҚШ долларига teng бўлган миқдордан ортиқ бўлмаган суммага амалга оширилади";

ж) 14-банд қуйидаги таҳрирда баён қилинсин:

"14. Экспорт операциялари бўйича тушум тушиши ёки товарларни қайта олиб кириш муддати:

муассислар – Ўзбекистон Республикаси резидентлари томонидан чет элдаги ташкилотларга (савдо уйлари, савдо ваколатхоналари, шульба корхоналар, фирма дўконлар, дилерлик шохобчалари ва консигнация омборлари), шунингдек – Ўзбекистон Республикаси Савдо-саноат палатаси аъзолари - хўжалик юритувчи субъектлар томонидан Палатанинг савдо-инвестиция уйлари номига олиб чиқилаётган товарлар амалда экспорт қилинган кундан бошлаб 180 кундан;

қолган экспорт қилувчилар учун товарлар, ишлар ва хизматлар амалда экспорт қилинган кундан бошлаб 120 кундан ошиб кетмаслиги керак.

Бунда енгиб бўлмайдиган куч (форс-мажор) таъсири юзага келган ҳолатда хорижий валютадаги тушумнинг тушиши муддати ушбу таъсир юз берган давлатнинг ваколатли органи томонидан тасдиқланган, енгиб бўлмайдиган кучнинг амал қилиши даврига узайтирилади".

з) 17-банд қуйидаги таҳрирда баён қилинсин:

"17. Чет элдан хорижий валютадаги тушум тушиши кечиктирилишига йўл қўйган экспорт қилувчилар, шунингдек, "эркин муомала учун чиқариш" режимида товарларни республикага олиб кириш ва расмийлаштиришни, ишларни бажариш ва хизматлар кўрсатишни 30 банк кунидан ортиқ таъминламаган импорт қилувчилар (кичик бизнес ва хусусий тадбиркорлик субъектлари учун – 60 банк куни) белгиланган муддатлар тамом бўлгандан кейин:

белгиланган муддатлардан 180 кунгача кечикканда – тушмаган валюта маблағлари ёки "эркин муомала учун чиқариш" режимида расмийлаштирилмаган товарлар (бажарилмаган ишлар, кўрсатилмаган хизматлар) суммасининг 10 фоизига teng миқдорда;

белгиланган муддатлардан 180 кундан 365 кунгача кечикканда – тушмаган валюта маблағлари ёки "эркин муомала учун чиқариш" режимида расмийлаштирилмаган товарлар (бажарилмаган ишлар, кўрсатилмаган хизматлар) суммасининг 20 фоизига teng миқдорда қўшимча;

белгиланган муддатлардан 365 кунлан ортиқ кечикканда – тушмаган валюта маблағлари ёки "эркин муомала учун чиқариш" режимида расмийлаштирилмаган товарлар (бажарилмаган ишлар, кўрсатилмаган хизматлар) суммасининг 70 фоизига тенг миқдорда республика бюджети даромадига қўшимча жарима тўлайдилар.

Ушбу Низомда белгиланган жарима санкциялари қўлланилган тақдирда, ташқи савдо операциялари бўйича муддати ўтказиб юборилган дебитор қарздорлик ундирилиши муддатларидан катъи назар, айни бир қарздорлик предмети ва товарлар (ишлар, хизматлар)нинг амалдаги экспорти ҳажми бўйича экспорт қилувчига тақорий санкциялар қўлланилмайди.

Экспорт контрактининг сугурта полиси бўйича сугурта қопламаси суммаси (миллий ва (ёки) хорижий валуталарда) экспорт қилувчининг ҳисоб рақамига тушганда, ушбу экспорт контракти бўйича дебитор қарздорлик суммаси молиявий санкцияларни қўллаш мақсадлари учун тушган сугурта қопламаси суммасига камайтирилади";

и) 2-иловага қуйидаги мазмундаги "г" банд қўшилсин:

"г) инвойс бўйича умумий маълумот*:

экспорт қилувчининг (импорт қилувчининг) номи ва унинг реквизитлари;
инвойс суммаси;

экспорт қилувчининг идентификация рақами (СТИР);

товарлар (ишлар, хизматлар) номи;

товарлар (ишлар, хизматлар)нинг ўлчов бирлиги;

товарлар (ишлар, хизматлар) миқдори;

товарлар (ишлар, хизматлар) нархи;

товарлар (ишлар, хизматлар)ни етказиб бериш қиймати;

ИНКОТЕРМС бўйича етказиб бериш шартлари;

ташиш тури".

3. Вазирлар Маҳкамасининг 2005 йил 9 августдаги 189-сон қарори (Ўзбекистон Республикаси КТ, 2005 й., 8-сон, 40-модда) билан тасдиқланган Ўзбекистон Республикасининг хўжалик юритувчи субъектлари томонидан хорижий мамлакатлардаги улар ташкил этган савдо уйлари, ваколатхоналар, корхоналар орқали, шунингдек Ўзбекистон Республикаси савдо-саноат палатасининг хорижий мамлакатлардаги савдо-инвестиция уйлари орқали олиб чиқилаётган товарларни божхонада расмийлаштириш тартиби тўғрисидаги Низомнинг 5-банди қуйидаги таҳрирда баён қилинсин:

"5. Божхона расмийлаштируви кунидан бошлаб 180 кун мобайнида экспорт қилувчи у томонидан шартномалар (контрактлар) асосида чет элдаги корхоналар манзилига олиб чиқиб кетилган товарлар бўйича валюта тушуми тушишини таъминлаши, ёхуд ушбу товарларни Ўзбекистон Республикаси худудига қайтариши керак.

Бунда енгиб бўлмайдиган куч (форс-мажор) таъсири юзага келган ҳолатда хорижий валютадаги тушумнинг тушиши муддати ушбу таъсир юз берган давлатнинг ваколатли органи томонидан тасдиқланган, енгиб бўлмайдиган қучнинг амал қилиши даврига узайтирилади;

Чет элдан хорижий валютадаги тушум тушиши 30 банк кунидан ортиқ (кичик бизнес ва хусусий тадбиркорлик субъектлари учун – 60 банк куни) кечиктирилишига йўл қўйган экспорт қилувчига белгиланган муддатлар тамом бўлгандан кейин солик органлари томонидан:

валюта тушуми тушиши белгиланган муддатлардан 180 кунгача кечикканда – тушмаган валюта маблағлари суммасининг 10 фоизига тенг микдорда;

валюта тушуми тушиши белгиланган муддатлардан 180 кундан 365 кунгача кечикканда – тушмаган валюта маблағлари суммасининг 20 фоизига тенг микдорда қўшимча;

валюта тушуми тушиши белгиланган муддатлардан 365 кундан ортиқ кечикканда – тушмаган валюта маблағлари суммасининг 70 фоизига тенг микдорда қўшимча санкциялар қўлланилади.

Чет элдаги корхонанинг манзилига олиб чиқилган ҳамда ташиш ва сақлаш жараёнида ёхуд экспорт қилувчига ва чет элдаги корхонага боғлиқ бўлмаган сабаблар бўйича яроқсиз ҳолга келган товарларга тегишли ваколатли органнинг экспертиза далолатномаси ва (ёки) уларнинг божхона назорати остида йўқ қилинганлиги тўғрисида товарлар турган мамлакат божхона органининг тақдимномаси тақдим этилади.

Кўрсатиб ўтилган ҳужжатлар шартномани (контрактни) божхона органида ҳисобдан чиқариш учун асос ҳисобланади. Бунда экспорт қилувчига молиявий санкциялар қўлланилмайди.

Экспорт контрактининг сугурта полиси бўйича сугурта қопламаси суммаси (миллий ва (ёки) хорижий валюталарда) экспорт қилувчининг ҳисоб рақамига тушганда ушбу экспорт контракти бўйича дебитор қарздорлик суммаси молиявий санкцияларни қўллаш мақсадлари учун тушган сугурта қопламаси суммасига камайтирилади".

4. Вазирлар Маҳкамасининг "Ўзбекистон Республикасида ташқи савдо операциялари мониторингини такомиллаштиришга доир қўшимча чора-тадбирлар тўғрисида" 2014 йил 21 июлдаги 199-сон қарорининг 2-банди иккинчи хатбошига "ташқи савдо контрактлари" сўzlаридан кейин "ва инвойс" сўzlари қўшилсин.

Вазирлар Маҳкамасининг
2017 йил 14 декабрдаги
984 - сон қарорига
3-илова

**Ўзбекистон Республикаси Ҳуқуматининг
ўз кучини йўқотган деб ҳисобланадиган қарорлари
рўйхати**

1. Вазирлар Маҳкамасининг "Тадбиркорлик субъектлари - импортёрлар томонидан Ўзбекистон Республикасининг божхона худудига бож тўловлари бўйича имтиёзлар кўлланган холда олиб кириладиган товарларнинг божхона қийматини тасдиқлаш тартиби тўғрисидаги низомни тасдиқлаш ҳақида" 2013 йил 22 майдаги 139-сон қарори (Ўзбекистон Республикаси ҚТ, 2013 й., 5-сон, 31-модда).

2. Вазирлар Маҳкамасининг 2015 йил 20 июлдаги 197-сон қарори (Ўзбекистон Республикаси ҚТ, 2015 й., 7-сон, 61-модда) билан тасдиқланган Экспорт-импорт операцияларини амалга оширишда давлат божхона хизмати органларига тақдим этиладиган ҳужжатлар рўйхати II бўлимининг 2-банди.

3. Вазирлар Маҳкамасининг "Янги ва қайта ишланган мева-сабзавот маҳсулотларини экспорт қилиш тартиби тўғрисидаги низомни тасдиқлаш ҳақида" 2016 йил 15 июндаги 207-сон қарорининг 1-моддаси (Ўзбекистон Республикаси ҚТ, 2016 й., 6-сон, 56-модда) ва қарорга 1-илова.

4. Вазирлар Маҳкамасининг "Ўзбекистон Республикаси Ҳуқуматининг айrim қарорларига ўзгартириш ва қўшимчалар киритиш, шунингдек баъзиларини ўз кучини йўқотган деб ҳисоблаш тўғрисида (Ўзбекистон Республикасининг "Ўзбекистон Республикасининг Божхона кодексини тасдиқлаш тўғрисида" 2016 йил 20 январдаги ЎРҚ-400-сон ҳамда "Ўзбекистон Республикасининг Божхона кодекси қабул қилиниши муносабати билан Ўзбекистон Республикасининг айrim қонун ҳужжатларига ўзгартишлар киритиш, шунингдек баъзиларини ўз кучини йўқотган деб топиш тўғрисида" 2016 йил 20 январдаги ЎРҚ-401-сон қонунлари)" 2016 йил 20 июндаги 211-сон қарорига (Ўзбекистон Республикаси ҚТ, 2016 й., 6-сон, 59-модда) 1-илованинг 20-банди.

5. Вазирлар Маҳкамасининг "Ўзбекистон Республикаси Ҳуқуматининг айrim қарорларига ўзгартириш ва қўшимчалар киритиш тўғрисида (Ўзбекистон Республикаси Президентининг "Мева-сабзавот, узум ва полиз маҳсулотларини экспорт қилишни рафбатлантиришга доир қўшимча чора-тадбирлар тўғрисида" 2016 йил 19 сентябрдаги ПҚ-2603-сон қарори)" 2016 йил 14 ноябрдаги 385-сон қарорига (Ўзбекистон Республикаси ҚТ, 2016 й., 11-сон, 102-модда) илованинг 3-банди.